

Na osnovu člana 16. Zakona o upravi („Službeni glasnik Bosne i Hercegovine“, broj 32/02 i 102/09), članova 48. i 49. Okvirnog zakona o visokom obrazovanju u BiH („Službeni glasnik Bosne i Hercegovine“, broj 59/07 i 59/09) i članova i 12. Statuta Agencije za razvoj visokog obrazovanja i osiguranje kvaliteta („Službeni glasnik Bosne i Hercegovine“, broj 86/09), direktor Agencije za razvoj visokog obrazovanja i osiguranje kvaliteta uz saglasnost Upravnog odbora Agencije sa ___sjednice održane u _____, _____2014.godine, donosi

ODLUKU
O IZMJENAMA I DOPUNAMA ODLUKE O KRITERIJIMA ZA IZBOR DOMAĆIH
I MEĐUNARODNIH STRUČNJAKA KOJI DAJU OCJENU I OBAVLJAJU
REVIZIJU KVALITETA I DAJU PREPORUKE O AKREDITACIJI
VISOKOŠKOLSKIH USTANOVA I STUDIJSKIH PROGRAMA U BOSNI I
HERCEGOVINI

Član 1.

U Odluci o kriterijima za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa u Bosni i Hercegovini („Službeni glasnik BiH“, broj 88/09 i 3/13) u članovima 3.tačka b), 4. tačka d), 5. tačka d) i 6. tačka b) tekst iza „engleskog jezika“ se briše.

Član 2.

U članu 7. stav (7) iza riječi „javnog konkursa“ dodaje se zarez i riječi: „odnosno do usvajanja nove liste.“.

U istom članu dodaje se novi stav (8) koji glasi:

„U slučaju da stručnjaci sa utvrđene Liste ne dostave nikakav odgovor u roku od 15 dana od dana kada im je upućen upit, smatrat će se da nisu zainteresirani da i dalje zadrže status stručnjaka na Listi“

Član 3.

U članu 9d., tačka c) mijenja se i glasi:

„ c) neopravdanim odbijanjem učešća u komisijama najmanje dva puta uzastopno, ili drugim nedoličnim postupkom tokom procesa akreditacije kojim narušava kvalitet procesa i ugled stručnjaka;“

U istom članu iza tačke c) dodaju se tačke d), e), f) i g) koje glase:

„d) u slučaju smrti;
e) penzionisanjem stručnjaka;
f) izostankom dva puta uzastopno sa edukacija stručnjaka koje organizuje Agencija u saradnji sa nadležnim obrazovnim organima;

g) neobavještanjem Agencije o promjenama podataka iz člana 9b u roku od 15 dana.“

Član 4.

Ova Odluka stupa na snagu danom donošenja i objavljuje se u Službenom glasniku BiH.

Broj:

Direktor

Datum:

Doc. dr Husein Nanić

O B R A Z L O Ž E N J E

I - PRAVNI OSNOV ZA DONOŠENJE ODLUKE O IZMJENAMA I DOPUNAMA ODLUKE O KRITERIJIMA ZA IZBOR DOMAĆIH I MEĐUNARODNIH STRUČNJAKA KOJI DAJU OCJENU I OBAVLJAJU REVIZIJU KVALITETA I DAJU PREPORUKE O AKREDITACIJI VISOKOŠKOLSKIH USTANOVA I STUDISJKIH PROGRAMA

Pravni osnov za donošenje Odluke sadržan je u odredbi člana 48. i 49. Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“ broj 59/07 i 59/09). Pored toga, članom 7. i članom 12. Statuta Agencije za razvoj visokog obrazovanja i osiguranje kvaliteta („Službeni glasnik Bosne i Hercegovine“, broj 86/09), propisano je da Agencija donosi propise iz svoje nadležnosti uz saglasnost Upravnog odbora Agencije.

II - RAZLOZI ZA DONOŠENJE PROPISA I OBRAZLOŽENJE PREDLOŽENOG RJEŠENJA

Razlozi za donošenje Odluke o izmjenama i dopunama odluke kriterijima za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa („Službeni glasnik Bosne i Hercegovine“, broj 88/09 i 3/13), temelji se na potrebi efikasnijeg regulisanja pitanja odabira stručnjaka svih kategorija prilikom objavljivanja i provođenja javnog konkursa za izbor stručnjaka, zatim potrebi da se bliže urede načini prestanka statusa stručnjaka na Listi stručnjaka, a iz razloga kako je to predviđeno predloženim nacrtom izmjena.

Član 1. Odluke o izmjenama i dopunama odluke predviđa da se preciznije uredi pitanje kriterija za izbor u pogledu poznavanja stranog, odnosno isključivo engleskog jezika na način da se u članovima 3.tačka b), 4. tačka d), 5. tačka d) i 6. tačka b) tekst iza „engleskog jezika“ briše, pa u tom slučaju da Odluka predviđa kao jedan od kriterija za odabir svih kategorija stručnjaka *dobro poznavanje pisanog i govornog engleskog jezika*, a ne i nekog drugog svjetskog jezika.

U članu 2. nacrta Odluke o izmjenama i dopunama odluke predviđeno je da se u članu 7 stav (7) iza riječi „javnog konkursa“ doda zarez i tekst „ odnosno do usvajanja nove Liste.“ Ovo naročito iz razloga kako bi se preciziralo do kojeg momenta u konkursnoj proceduri traje status stručnjaka koji su se izjasnili da nisu zainteresirani da i dalje zadrže status stručnjaka. U istom članu dodaje se i novi stav (8) koji preciznije određuje situaciju u kojoj se stručnjaci uopće ne izjasne o tome da li su zainteresirani da zadrže status stručnjaka.

Član 3. nacrta Odluke o izmjenama i dopunama odluke predviđa dodatne načine i razloge prestanka statusa stručnjaka u odnosu na ranije utvrđene u članu 9d, pa u konkretnom slučaju je ranija tačka c) izmijenjena na način da je umjesto ranije predviđena tri puta odbijanja učešća u komisijama, predloženo da odbijanje učešća u komisijama dva puta uzastopno, ili drugim nedoličnim postupkom tokom procesa akreditacije kojim se narušava kvalitet procesa i ugled stručnjaka, bude razlog prestanka statusa stručnjaka i brisanje sa Liste stručnjaka. Ostali razlozi

za prestanak statusa stručnjaka i brisanje sa Liste su smrt, penzionisanje stručnjaka, izostanak dva puta uzastopno sa edukacija stručnjaka koje organizuje Agencija u saradnji sa nadležnim obrazovnim organima i neobavješćavanje Agencije o promjenama podataka iz člana 9b u roku od 15 dana.

U članu 4. predloženo je da Odluka stupa na snagu danom donošenja i da se objavljuje u „Službenom glasniku Bosne i Hercegovine“.